

Rumantsch

Master of Arts en linguatgs e litteraturas romanas – opziun rumantsch

1. Program da studi approfondà

Il program da studi approfondà dal master en linguatgs e litteraturas romanas, opziun rumantsch, consista da 4 moduls da 15 ECTS e la lavur da master da 30 ECTS. El dat als students ed a las studentas la pussaivladad da cuntinuar lur studi da bachelor en in program da master, che permetta lura er dad obtegnair il diplom da scolast gimnasial en il rom rumantsch, ch'è necessari per pudair instruir quest rom en ils gimnasis grischuns.

Il program da studi vul d'ina vart intermediar als students ed a las studentas las enconuschientschas necessarias per pudair giuditgar lavurs scientificas davart il rumantsch e las abilitads da far sezs e sezzas retschertgas sin quest sector (moduls interns). Da l'autra vart vul el er schlargiar lur enconuschientschas, saja quai cun la tscherna da dus moduls d'in master en ina outra domena secundara da linguatgs e litteraturas instruida a l'Universitad da Friburg (moduls intrafacultars), saja quai cun la tscherna da dus moduls ordaifer l'Universitad da Friburg (moduls externs). Ils moduls intrafacultars ed ils moduls externs èn alternativs; els na pon betg vegnir cumbinads in cun l'auter.

Ils **moduls interns** approfondeschan ils temas principals dals moduls dal bachelor. En il modul 'Linguatg' vegn approfondà d'ina vart la linguistica istorica cun studis e lavurs davart il svilup istoric dal rumantsch, da l'autra vart la linguistica descriptiva dal linguatg actual. Il modul 'Litteratura' permetta da survegnir las enconuschientschas necessarias per l'analisi approfondada da texts d'in autur u d'in tip d'auturs. Ils temas specifics vegnan tschernids en collavuraziun cun ils students e las studentas concernidas ed en connex cun ils temas tschernids per lur lavur da master.

Ils **moduls intrafacultars** pon vegnir tschernids or dals programs da master secundars d'in'outra domena da linguatgs e litteraturas instruida a l'Universitad da Friburg, da preferenza d'ina domena instruida en il Departament da linguatgs e litteraturas romanas. En accord cun ils professers concernids èn autras scheltas pussaivlas. Sche la domena tschernida n'è betg vegnida studegiada en il rom dal bachelor, pon dentant prestaziuns supplementaras vegnir pretendidas per pudair avair access al program da master secundar tschernì.

Ils **moduls externs** che pon vegnir tschernids èn d'ina vart il program da master en rumantsch da 15 ECTS da l'Universitad da Turitg, da l'autra vart in praticum da trais mais en ina da las instituziuns dal chantun Grischun che s'occupan da la retschertga u da l'applicaziun dil rumantsch, sco l'Institut dal Dicziunari rumantsch grischun, il servetsch da linguatg da la Lia rumantscha u il servetsch da translaziun dal chantun Grischun. Quest praticum duai approfondar las enconuschientschas en linguistica istorica u applitgada tenor l'interess dals pertutgads. El vegn exequì en stretga collavuraziun cun il professor responsabel che evaluescha e validescha er las lavurs fatgas durant il praticum.

A la **lavur da master** vegn attribui 30 ECTS (= 900 uras da lavur = in mez onn). Il tema vegn tschernì a la fin da l'emprim onn dal master e preparà durant l'emprima mesadad dal segund onn. La lavur duess vegnir fatga durant il davos mez onn da studi e betg surpassar 100 paginas.

2. Program da studi secundar

Il program da studi secundar dal master en linguatgs e litteraturas romanas, opziun rumantsch, consista da dus moduls da 15 ECTS. El duai permetter als students ed a las studentas da cun-
tinuar lur studi da bachelor en rumantsch sco segunda domena. Quest studi als duai avrir la
pussaivladad da lavurar en professiuns che pretendan bunas enconuschientschas dal ru-
mantsch.

Il program da studi secundar prevesa en princip la frequentaziun dals dus moduls interns. In
da quels po dentant vegnir remplazzà cun in dals dus moduls externs. Per la descripziun dals
moduls guarda sut.

3. Moduls da studi

3.1. Moduls interns

M 01	Linguatg	15 ECTS
Seminari 1	Dal latin al rumantsch. Il svilup istoric dal linguatg	6
Seminari 2	La descripziun linguistica dal linguatg actual	9
M 02	Litteratura	15 ECTS
Seminari 1	Litteratura moderna: Ovras tschernidas	9
Seminari 2	Litteratura contemporanea: Ovras tschernidas	6

3.2. Moduls intrafacultars

M 03 A	M 01 d'in program da studi secundar d'in auter rom da linguatgs e litteratura	15 ECTS
M 04 A	M 02 d'in program da studi secundar d'in auter rom da linguatgs e litteratura	15 ECTS

3.3. Moduls extrauniversitars

M 03 B	Program da master MA-15 dal rom 'Linguatg e litteratura ru- mantscha' da l'Universitad da Turitg	15 ECTS
M 04 B	Praticum en ina da las instituziuns dal Grischun che s'occupan da la retschertga u da l'applicaziun dal rumantsch	15 ECTS